

**Naalagaaffiit Peqatigiit Meeqqat pisinnaatitaaffii pillugit isumaqatigiissutaata malinneqarnissaanut iliuusissatut pilersaarummik 2023-mit 2030-mut atuuttussamik nutaamik Naalakkersuisut suliaqaqqullugit peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Eqaluk Høegh, Inuit Ataqtigiit)

**Nunatsinni meeqqat inuusuttullu kommunini tamani suliassanngortitat sularineqarsimangitsut Naalakkersuisut immikkut peqquneqarnissaannut siunnersuut. annertuumik navianartorsiortutut inissisimasut kiisalu meeqqat nalunaarsorneqarsimallutik inuusuttullu pillugit suliat kommunit peqatigalugit annertusisamik iliuuseqarnissaannik Inatsisartut aalajangiiffigisassattut pillugit**

(Inatsisartunut ilaasortat, Eqaluk Høegh, Inuit Ataqtigiit)

Siumumiit qujalluta Siunnersuutit imaattumik oqaaseqarfigissavarput.

Siunnersuuteqartup immikkut maluginiarsimammagu pilersaarusiap sananeqarnerani peqataatinneqarsimangitsunik isornartorsiueq aallaavigalugu nutaamik pilersaarusiortitsineramik siunnersuuteqartoq maluginiarparput.

Siumumiit isumaqarpugut pilersaarusiortermermi soorngunami kommunit tamarmik peqataatinneqarnissaat pingaarteqartoq. Aamma susasaqartut tamarmik pissusissamut peqataatinneqarnissaat.

Meeqqat pisinnaatitaaffimminnik innarliisoqartarnera assortuussutigisinnaanngilarput maani inersuarmi. Tamanna piaarnerpaamik qanoq iliuuseqarfigalugu unitsinneqartariaqartoq Siumumiit isumaqarpugut.

Ajornartorsiuteqarfik nutaajunngilaq annertuvoq pissutsinullu mumisitsisinnaasoq Siumumiit isumaqarpugut suli nassaarineqanngitsaq. Ajornartorsiummut annertuumut aammalu nunatut ajutoortitsisinnaasoq tamanna pillugu ajunaarnersuartut taaneqartartoq eqqartorparput.

Siumumiit Meeqqat pisinnaatitaaffii malilernissaasa pisariaqarnera assortunngilarput, apeqqusigarpulli uaniippoq aqqissuussinitsinni, timitaliisinnaassusimi, iluarsaassisinnaassusitsinni atukkagut inuuttoormata ajornerpaamik kinguneqartartoq pissutsinik mumisitsisinnaajunnaarnertsinni.

Ajornartorsiummik iluarsiniartilluta illinerit atukkagut kukkuppata qanorluunnit suliniutit amerlignaluarpata iluarsaakkaluarutsigit ilaqqikkaluarutsigit ornikkusutarput tikinnaviangilarput aallaqqaataaniilli kukkoreeratta.

Aamma oqarsinnaavugut illinerit atuarniarsarisagut amerlavallaalersimasut ornitarput ersernerlutsilerlugu amerliartortsiinnarsinnaanagillu taamaaliorutta sunaluunnit aqqt toqqagarput ingerlavigilerutsigit immiini naammannaviangippat.

Siumumiit taamaamat isumaqarpugut unikaallattariaqalersugut inissisimaffippullu isumaqatigiissutigalugu aatsaallu kingorna aaliangerlugu illinerit aqqtissagut sunniuteqarnerpaasussat ajornartorsiutip unitsillugu mumisillugulu atugassagut aaliangiullugit.

Ullumikku suliniutigut ima amerlatigippat assersuunneqarsinnaavoq piniagassarpasuit akornanniilluta timmiarsiuserluta. Igeriarluta, neriulluta arlaannik eqquissalluta. Eqquisarpugummi ilaanni, ajungitsumik inernilimmik perortitsinnaalluta, kisianni naammaqqajangilaq ajortup unitsinnissaanut mumisinnissaanulluunnit.

Naalackersuisut akissuteqaammuni nassugiaavoq suliaq suliarineqareersoq, suliamullu atatillugu llassutitut suliarisinnaallugu tunngavilersuummi eqqaaneqartut ilaat akuutissinnaallugit tamanna aallaavigalugu allannguutissatut siunnersuummik saqqummiussillutik.

Siumumiit isumaqarpugut nutaamik pilersarusiungikkaluarluni aallaqqaataanit suliat ingerlanneqartut pitsanngortissinnaappatigit nutarterlugu pitsaanerussasoq taamaattumik Naalackersuisut allannguutaat qaninneruarput aallaqqaataanik nutaarsuarmik suliaqalernissaminngaaniit suliasartaa annikinnerussammat.

Taamaattorli suliniuterpassuit nalilersornerani pingaaruteqarsorinarpoq eqqumaffigissallugu suliniuterpassuit ingerlanneqareersut aamma ingerlanneqarnissaanik pilersaarutigineqartut imatut amerlatigilissanngimmata sunniutaat annikippallaalissalluni.

Siumumiit neriutigivarput ataatsimiisitaliap sulinermini ilanngullugit meeqqat pillugit suliniaqatigiiffippassuanngorsimasut ilanngullugit isumasiussaagaat killiffissiuinermilu nalilersuutigissagaat.

Aamma Siumumiit isumaqarpugut pilersaarutit kimeqarnerulissappata kinguneqaqarluassappatalu, naleqqussarneqaqqissaartariaqartut Nunatsinni sumiiffippasuit inoqarfippasuit assigiinngitsumik atugaqarnerat inissisimanerilu aallaavigalugit.

Taamaaliornikkut kukkusooratarsinnaanermik annikillisaanissaq siunertaralugu.

Hans Peter Poulsen

Siumut